

## Chapit VI

Béyé a vou dé n' pouin fouèr vô bouinnéz euv édvan ché lin pour énn èt èrbéyé; ôtrémin, ô n' in rchuvré pouin l' rékonpins éd vô Pèr k' é din l' sièl.

2. Kan donk ô donnré l' 8monn, né bzé pouin sonnè l' tronpèt pa dvan vou, konm i fouètté zz' ipôkrit din ché sinagog pi din ché ru, pour èt ônôrè d' ché jin. Ej vou l' di in vérité, iz on rchu leu rékonpins.

3. Mé kant ô bzé l' 8monn, èk vô man geuch a n' sach pouin koué k' al foué vô man drouèt;

4. Pour èk vô 8monn fuch muchè; é pi v8 Pèr, ki voué ch' k' y é muché, vôz in rékonpinsrô.

5\_ Ed minm, kant ô priyé, né bzé pouin konm ézz ipôkrit, ki s' afichtté pour priyé in sé tnan étanpi din ché sinagog é pi a ché kyuin d' ru pour èt èrbéyé d' ché lin. El v8 di in vérité leu afouèr al é fouèt.

6. Mé vou, kant ô vôré priyé, intré din v8 kanb, pi chl' ui nn' étan frunmé, priyé vô Pèr a l' muchèt; é pi vô Pèr ki voué ch' ki s' foué a l' muchèt, vôz in rékonpinsrô.

7. Né bzé pouin parad èd gramin priyé din vô priyèr, konm i fouètté ché payin ki s' imajinntt ék ch' é par gramin d' parol k' i s' fron akouté.

8. Né bzé don pouin konm eus; pach ék v8 Pèr i sè d' koué k' ôz avé bzouin, dvan k' ô li dmindèch.

